

## Божхона органлари томонидан 2023 йил якунлари бўйича амалга оширилган ишлар юзасидан маълумот

Божхона кўмитаси томонидан соҳани рақамлаштириш, божхона тартиботларини янада соддалаштириш, товарларни божхона ҳудудида қайта ишлаш орқали мамлакатимиз экспорт салоҳиятини ошириш, хорижий инвестициялар ўзлаштирилишини таъминлаш йўналишларида тизимли ишлар амалга оширилмоқда.

Давлатимиз Раҳбарининг 2023 йил 29 август куни Божхона кўмитасининг “Божхона расмийлаштируви маркази”га ташрифлари чоғида берилган топшириқлар божхона соҳасини очиқлик, шаффофлик ҳамда ишончлилик тамойиллари асосида коррупциядан холи тизимга айлантиришда муҳим ўрин тутмоқда.

Хусусан, ўтган 2023 йил давомида тадбиркорларнинг молиявий барқарорлигини мустаҳкамлаш мақсадида, **17 мингдан ортиқ ташқи иқтисодий фаолият** қатнашчиларига **57,4 трлн сўм** миқдорида божхона тўловларидан **имтиёз ва преференциялар** қўлланилди.

**8,3 трлн сўм** божхона тўловларини **кечиктириб тўлашга** рухсат берилди.

Давлат бюджетига **58,4 трлн сўм миқдорида маблағ** ўтказилди.

Хавфларни бошқариш ва яширин иқтисодиётга қарши курашиш йўналишида **21 968 та** ҳолатда **972,8 млрд сўмлик** товарларнинг **ноқонуний айланмасига** чек қўйилди. Давлат бюджетига **165,3 млрд сўм** қўшимча тўловлар ундирилди.

Мамлакатимизда аҳоли соғлиги ва хавфсизлигини таъминлаш йўналишида амалга оширилаётган чора-тадбирлар доирасида **9 207,5 кг гиёҳвандлик воситаларининг** **ноқонуний айланмаси** **фoш этилиб**, бу **кўрсаткич ўтган йилга нисбатан 8,4 тоннага ёки 12,3 баробарга** ортди.

Шунингдек, **650 минг** дона **психотроп ва кучли таъсир этувчи** моддалар **21 дона** қурол, **2 279 дона ўқ**, **6 478 дона** гильза каби қурол-яроғ ва портловчи моддалар аниқланди.

2023 йил давомида **5,7 млн қути** тамаки маҳсулотларининг **ноқонуний айланмасига** чек қўйилди.

Соҳани рақамлаштириш мақсадида **12 та** ахборот тизими, **4 та** интерактив хизмат ва **5 та** мобиль илова амалиётга киритилди.

Тадбиркорларга қулайликлар яратиш мақсадида “**Ваколатли иқтисодий операторлар мақомини бериш**” интерактив хизмати ишлаб чиқилиб, амалиётга жорий этилди.

2023 йилнинг январь-декабрь ойига нисбатан **ташқи савдо айланмаси 21** фоиз ёки **8,3 млрд долларга** ҳаракатланган **автотранспорт ва темир йўл вагонлари** сони **45 фоизга** ёки **651 мингтага**, **йўловчилар** сони **2,2 баробарга** ёки **13,1 млн нафарга** ортган бўлсада, соҳани

**рақамлаштириш ҳисобига** божхона расмийлаштируви вақти **2 баробарга** қисқарди.

Экспорт товарларининг **90 фоизи** ва импорт товарларининг **80 фоизи** соддалаштирилган тартибда расмийлаштирилди;

Божхона юк декларацияларини **инсон омилисиз автоматик** расмийлаштириш ҳажми экспортда **86 фоизни** ташкил қилди.

**Халқаро ҳамкорлик йўналишида 9 та** халқаро ҳужжат имзоланди, **5,6 млн доллар** грант маблағлари жалб қилиниб, соҳани замонавий техника воситалари билан жиҳозлаш ишлари амалга оширилди.

**Божхона органларига бириктирилган ёшлар** билан доимий тарзда иш олиб бориш, уларнинг бандлигини таъминлаш йўналишида ҳам салмоқли ишлар амалга оширилди.

**Тиббий-ижтимоий муассасаларнинг моддий-техник базаси ҳамда инфратузилмасини яхшилаш борасида Тошкент шаҳридаги 3 та “Мурувват” интернат уйлари, шунингдек, Зомин ва Сирдарёдаги ногиронлиги бўлган аёллар учун “Мурувват” интернат уйлари, Фарғонадаги “Саховат” кексалар ва ногиронлиги бўлган шахслар учун интернат уйларида реконструкция ва мукаммал таъмирлаш ишлари амалга оширилди.**

Шу билан бирга, фуқароларга янада қулайликлар яратиш мақсадида Тошкент вилоятининг **“Ғишткўприк”** ва **“Навоий”** ҳамда Қорақалпоғистон Республикасининг **“Довут-ота”** чегара божхона постларини замонавий андозалар асосида реконструкция қилиш ишлари давом эттирилмоқда.

**Республика миқёсида қайта тикланувчи энергия манбаларини жорий этиш, хусусан,** қуёш панелларини ўрнатилиши борасида ҳаққоний ҳисоботларни юритиш мақсадида **“Яшил энергия” ахборот тизими** амалиётга жорий этилди.

**Республика миқёсида жами 60 476 та** объектлар доимий мониторинг қилиниб, умумий қуввати **436,5 МВтни ташкил этувчи** қуёш панеллари ўрнатилиши таъминланди.

**Божхона ходимлари томонидан республикамизнинг барча ҳудудларида тадбиркорлар иштирокида ўтказилган сайёр учрашувларда божхона ҳудудида қайта ишлаш режими имконият ва имтиёзларини тарғиб қилиниши** натижасида мазкур режимга жами **701 млн. АҚШ долларига** тенг товарлар жойлаштирилиб, бу борадаги кўрсаткичлар **2022 йилга нисбатан 75,9 фоизга ёки 303 млн. АҚШ долларига** ошди.

Шунингдек, илгари хом-ашё маҳсулотлари импортини амалга ошириб келган кўплаб тадбиркорларимиз эндиликда **божхона тўловларидан озод қилинган ҳудуд** имкониятлардан самарали фойдаланишни бошлади.

Улар томонидан хорижга **умумий қиймати 728 млн АҚШ долларини** ташкил этувчи товарлар экспорт қилиниб, ушбу кўрсаткич 2022 йилга нисбатан **2,1 баробарга ёки 389 млн. АҚШ доллари**га ошди.

Шу ўринда фуқароларимиз божхона соҳасига доир саволлар юзасидан қўмитанинг [bojxona.uz](http://bojxona.uz) расмий веб-сайти ҳамда туну-кун фаолият кўрсатувчи **11-08 ишонч телефон рақамлари** орқали мурожаат қилишлари мумкинлигини эслатиб ўтамыз.